

Sub divino Imperio Ego Adefonsus totius Hispaniæ
Imperator prædictam donationem à filiis meis da-
tam of.

Qui ibi fuerunt : Joannes Archidiaconus.

Rudericus Archidiaconus.

Alter Rudericus Archidiaconus de illa Sede.

Pelagius Gudesteiz.

Didacus Eriz.

Ero Eriz.

Joannes Ranimiriz.

Lucio Eriz.

Ero Eriz.

XIX.

SEDES S. MARTINI MINDONIENSIS

in Vallibriam transfertur , & cautos ejus Regina

Urraca confirmat, Era 1155. ann. 1117.

NOtum quidem est & certum auctoritate Domini Pa-
pæ & Tolerani Archiepiscopi sicut in Palentino
Concilio ab eodem Archiepiscopo , & à quampluribus
Episcopis , & Regina & Comitibus Hispaniæ fuit pertrac-
tatum , & certa ratione perconfirmatum , Mindoniensem
Sedem esse mutatam & positam in Vallibriensi loco. Qua-
propter Ego Urraca Dei gratia totius Hispaniæ Regina, & Im-
peratoris Domini Adefonsi , Reginæque Constantiæ filia
in honorem Sanctæ & individuæ Trinitatis , & omnium
Sanctorum , videlicet Gloriosissimæ Dei Genitricis Mariæ,
ad cujus honorem Sedes illa ibi fundatur & construitur,
pro salute animæ meæ & parentum meorum do & con-
firmo illi Vallibriensi Sedi cautos in omni circuitu per is-
tos terminos , scilicet per Petram fixam de Auream , &
inde per Palumbarium , & inde ad Paramium per Portam
Robunia per Framir , per furcam Tedoni , per Salgu-
rolum , per petram Sandiani , & inde per pontellias de ar-
rogio , & inde ad penam Texuneyra , & inde ad aquam
vertentem de Sarrapio , & inde ad fogium de Algara , &
in-

inde ad Edradas de Lagu, & inde ad Castrum de Seixas, & inde per mestas, & inde finitur in cauto de Villanova, & inde per mestas de Lourenzana & Masina, usque in cautos de Sancto Martino. Omnia illa quaecumque Ego Regina Domina Urraca habeo infra terminos istos, scilicet homines, & hereditates & caracterem, & vocem, forum, & directum, totum ab integro dono & concedo Vallibriensi Sedi, & Episcopo Domino Munioni & successoribus ejus. Habeatis & possideatis aeo perenni saecula cuncta. Et ita do vobis istum cautum, ut sit conjunctum cum illo de Laborata. Et quaecumque persona eum disruperit, sexcenta millia solidorum, & sexcenta & sexaginta sex ad partem supradictae Sedis, & Episcopi quiete persolvat. Et cum omnibus jam dictis & tota sua fossadaria illum cautum supradictae Sedi Ego Regina Dña Urraca dono perpetualiter, & confirmo. Et si aliqua persona, quaecumque sit, hoc Testamentum quod Ego Regina Domina Urraca mandavi fieri pro salute animae meae, & parentum meorum ad honorem Sanctae Mariae & vobis Episcopo Domino Munioni, & successoribus vestris corrumpere voluerit, sit excommunicatus. Amen. Et sit damnatus cum Juda traditore, & cum Datam & Abiron, & peccet quingentas Marchas argenti, & hoc testamentum semper maneat firmum vobis Episcopo Domino Munioni, & successoribus vestris. Facto Testamento Era M.C.L.V. & quot Kalendas Martii. Regina Domina Urraca hoc Testamentum quod fieri mandavi proprio robore of. Didacus Ecclesiae Sancti Jacobi Episcopus hoc Testamentum of. Didacus Legionensis Episcopus similiter of. Petrus Lucensis Episcopus similiter of. Petrus Palentinus Episcopus similiter of. Didacus Auriensis Episcopus of. Petrus Ansuriz Comes of. Petrus Gundisalviz Comes of. Suerius Vermudez Comes of. Froila Didaz Comes of. Petrus Fróylaz Galleciae Comes of. Rudericus Velaz Comes of. Munio Pelaiz Comes of. Ego Comes Gutierre, qui eo tempore tenebam honorem illum, quem Regina Dña. Urraca dedit praedictae Sedi, & praedicto Episcopo, laudo, & of. hoc testamentum. Fernandus Teliz. Adefonsus Teliz. Petrus

trus Didaz. Rodericus Vermudiz. Rodericus Didaz. Froyla Eriz. Fernandus Roderici. Didacus Eriz. Oveco Eriz. Munius Romaniz. Pelagius Garsia. Gumez Nuniz. Pelagius Velasquez. Arias Nuniz. Adefonsus Nuniz. Menendus Nuniz. Joannes Ramiriz. Fernandus Joannis. Arias Vermudiz. Veremundus Petriz ꝑ. Fernandus Petriz ꝑ. Joannes Didaz ꝑ, Petrus testis. Didacus testis. Pelagius testis. Martinus Pelajades Notarius in Curia Reginae Dñae Urracæ, ejus jussu scripsit hoc testamentum, & ꝑ.

XX.

ADEFONSUS REX VII. OMNES
Vallibriensis Ecclesia hereditates, tam ad priorem
S. Martini Sedem, quam ad Vallibriensem spec-
tantes, confirmat, Era 1163. ann. 1125.

IN Dei nomine : Ego Adefonsus Dei gratia Hispaniæ Rex vobis Dño. Munioni Vallibriensi Episcopo, vestrisque successoribus facio Scripturam firmitatis, & Cartam cautionis de omnibus servitilibus vestræ Sedis, tam de priori Sede Sancti Martini habitis, quam etiam de mutata Sede Sanctæ Mariæ Vallibriensis postea acquisitis: & de omnibus hereditatibus utriusque Sedis, tam de populatis, quam etiam de illis quas populaveritis. Prædictas siquidem hereditates, sicut per suos concluduntur terminos, cauto ego jam dictus Rex Domnus Adefonsus ad honorem Omnipotentis Dei, & Sanctæ Mariæ semper Virginis in remissionem peccatorum mei, parentumque meorum, & pro servitio fideli quod mihi prædictus Episcopus Dñus. Munio fecit. Et abstraho inde Sagionem, & omnem regiam vocem. Quicumque verò hoc meum Regium Cautum infregerit, pariet post partem Vallibriensis Sedis Sanctæ Mariæ sexcentos solidos Jacensis monetæ, & hæc Scriptura cum suo regio dono maneat firma in perpetuum. Facta Carta donationis & confirmationis Era M.^a C. LXIII. & qt. Kalendis Junii.

Ego